

domini Henrici imperatoris in Italiam legatus, cum tempore illo Cæsenam manuteneret, vineas et segetes Cæsenatum, cum esset præsens, nequaquam defendere valuit [A].¹

Quando Faventini primo Castrum super Cosnam edificare ceperunt.

CAP. CXVII.

Faventinis recipientibus quosdam castellanos Castri Leonis, secundum generalem civitatum consuetudinem, in eorum civitatem, in tantum doluerunt Forolivienses, quod duos ex ipsis castellanis, despectis Faventinorum precibus, suspendere non dubitarunt. Tanto itaque dolore Faventini permoti, anno mcxcviii/sub Guifredo Confalonerio eorum rectore, Castrum super Cosnam, in odium Liviensium, edificare ceperunt.

De guerra et obsidione civitatis Forolivii et de destructione Flumandæ.

CAP. CXVIII.

Anno mcccⁱ completo Castro super Cosnam, Faventini, de consilio et voluntate Mai civis [a] Bononiensis, rectoris eorum, guerram Liviensibus et castellanis Castri Leonis [b] mense aprili inceperunt movere [c]. Deinde, convocatis Bononiensibus ad eorum servitium ac molensibus, nec non comite Guidone, in mense madii civitatem obsederunt Forolivii. Quorum segetes [d] et vineas cum per octo dies hostiliter devastassent, et Ravennates cum Cerviensibus et Popliensibus et Bretenoriensibus et abbate Galiatæ intus essent reclusi, Faventini, more solito, præfatos inimicos intra claustra Fractariæ [e] fortissimo impetu et clamore invadunt maximo. Quos, post conflictum maximum, totis viribus totoque conamine in fluvium ante burgum Sclavaniæ impellunt, ubi per maximum diei spacium ingens committitur bellum, captis quam pluribus utrinque, atque gladio interemptis. Porro Guilielmus Rangonus Bononiensium potestas, cum omnes suos ad pugnam armari fecisset, et a Maio Faventino [f] potestate rogaretur obnixi, ut Faventinis deberent Bononienses succurrere, quasi fatigatis [g] omnibus suis, sub banno præcepit, ut ad pugnam accedere nullus auderet, asserens se in locum tam angustum suos mittere nolle. Cujus mandati fines et banni excessisse inventus est nemo. At ubi cives a tanto periculo [h] tantoque discrimine.

[a] Mai civis. Sic C. M.; Maji civis, C. V. — [b] Castri Leonis, C. M.; Castiglionis, C. V. — [c] inceperunt movere. Sic, supplevi, addito movere. — [d] Quorum segetes, C. V. In C. M.; post quorum, est notula, quam Cl. Mitt. duplici interpretatur modo; nempe vel quod, vel quoque. An potius legendum quorumque? — [e] intra claustra Fractariæ. Tondutius vertit: negli alloggiamenti. Num jocose dictum? — [f] et a Maio Faventino. Sic C. M.; et amice a Faventino, C. V. — [g] quasi fatigatis. Sic legit Cl. Mitt. In C. V.; quia fatigatis. — [h] a tanto periculo, C. M.; a duro periculo, C. V.

[A] Tondutius de charta foederis initi inter Ravennates et Faventinos, ab anno 1194, meminit p. 230.